


Chemia.
1040.

~~Philosoph: Medic. Phys. etc. Vel. Suer. 545.~~

Pyendopsh. D. 70.

~~Pyendopsh. D. 70.~~

785. Phys.



דברי רזי

סדרם תלת פתחות:

EBRAICUS è diuinatione WCHR. KRIEGSMANN J

אכן בלי-שקר אכן ואכן אכן:

אשר תחתייה כאשר עליה ואשר עליה
כאשר תחתייה לעשות פלאי דבר אחד:
וכאשר כל היו פאחד בהגה אחד
וכל נולדו מן דבר אחד ההוא נבער כרה:
אבו שמש אפיו לכנה נשאהו הוה נבטנה:
אמנהו הארמה: אב-כל-עכ לול כל-
העולם הוא:
אם ישוב לארמה: הפריד הארמה

כגדול הק מעבה במתק:
והנכות יורד אל הארץ ואוסף את-אילות
העליות והתחתיים: כן יהיה-לד כבון
כל העולם: על-כן תברה ממד כל
חשכה: זה איל וזה כל-איל אל
כי תנעח את-כל-הדרך ואת-כל-יצוק
החל ין: כן העולם נברא
על-כן מערכות יהיו פליאות לאשר
דרך ההוא: וכן נקרא לי

חרם תלת פתחות

ש-לי תלת פתחות חכמת כל-העולם:

נפלא אשר דברתי על-
פעלת החמה:



HERMETIS
 TRISMEGISTI
 PHOENICUM AEGYPTIORUM
Sed et aliarum Gentium
 MONARCHÆ CONDITORIS



sive

TABULA SMARAGDINA
 à situ temerarij q'
nunc demum pristino Genio
Vindicata per
 WILHELMUM CHRISTOPHORUM
 KRIEGSMANNUM.



DEUTER: XXXIII. vers: 13. 14. 16.
 Benedictum est à DOMINO terzæ ejus pretioso
 Coeli fructu, Rore; et ex abyfso cubante infer-
 ne: pretioso fructu proventuum Solis; et
 pretioso fructu influentiæ Lunæ: pre-
 tioso deniq' fructu terræ, uberta

teq' ejus
 Adjectum est

Testamentum Arnoldi de Villa Nova

EMINENTISSIMO POTENTIS-
SIMOQUE

PRINCIPI AC DOMINO,
DOMINO

JOHANNIPHILIPPO
ARCHI-EPISCOPO

MOGUNTINO,
SACR. ROM. IMP. PER GER-
MANIAM ARCHI-CANCELLA-
RIO PRINCIPIQUE
ELECTORI;

EPISCOPO HERBIPOLITANO,
AC FRANCIAE ORIENTALIS
DUCI &c.

PATRONO EJULANTIUM
NATURAE SCRUTATO-
RUM OPT. MAX.

VIVERE AC GAUDERE

POTENTISSIMAE EMINENTIAE
EJUS

ARCHI-EPISCOPALI
ATQUE

ELECTORALI

ET SUO, ET MAXIMI
HERMETIS,

& DIVAE denique

CHEMIAE

NOMINE

*Humilimè devotus
cliens.*

W. CHRISTOPHORUS KRIEGSMANN.
juvenis post Divina & Humani-
tatis Studia, arcanis rerum ope-
rans.

Faint, illegible text, likely bleed-through from the reverse side of the page. The text is mirrored and difficult to decipher.



Sors, quâ cum iniquissimâ inde, à pri-
sco usq; conflictata ævo est Smarag-
dina HERMETIS TRISMEGISTI Tabu-
la, EMINENTISSIME ARCHIEPISCO-
PE PRINCEPSQUE ELECTOR, me cõ-
tandem audentiâ adegit, ut ingenti
nomine Tuo obarmatus tyro, publicè curam pereun-
tis suscipere instituerim. Scilicet, ut lymphis haustro
è fonte extractis putredo sensim adrepere solet; cum
fœtore; si præsertim illapsu variorum coinquinata cæ:
Sic, postquam nostrorum incuriâ majorum insigne
hoc vetusti orbis monumentum invidiâ illâ nativi idio-
matis limpiditate exciderat, transfusum in peregrinas
Linguas, Deum immortalem! quot non grave olentibus
fordibus squalere cœpit? Accedentibus, qui pro lubitu
fœdarent innumeris propè interpretibus. Quorum
ut aliqui Chemicarum rerum peritiâ monstrabiles ex-
titerint, plures herclè ne mediocriter quidem in eâ quæ
ab HERMETE nomen trahit Philophiâ versatos certum
est. Sed & expositiones in Tabulam à cæteris, ipsiusque
ad eò Philosophorum Lapidis opificibus collatæ ejus-
modi sunt, ut unâ atque alterâ exceptis, magis dignita-
tem HERMETICI nominis erodant, quàm ij hætenus
valent, quibus Chemiam, TRISMEGISTI inventum, ob-
trectatoribus ac calumniæ prodere, quotidianum est.
Quotus enim quisque cordatorum est, qui aut splen-
dore inscriptionis, aut præconiorum magnitudine ille-
lectus, ad diligentiorum se lectionem tabulæ Sinaragdi-
næ

nã HERMETIS nostri accingit, quin, si ad tot discordes,
 ac non semel ineptos Commentatores fuerit detrusus,
 illicò resiliat, deque vanitate, de fucò, de imposturâ de-
 nique suspicetur? Certè plerorumq; animos, quos sin-
 ceros antè nec convitia, nec delator corrumpere pote-
 rant, interpretum Hermeticorum temeritas in deterius,
 ipsâ veritate plangente, nunc corrupit. Atque hinc tam
 inimites in personam operaq; TRISMEGISTI, viro-
 aliquot magnorum censuræ sunt: quibus in perniciem
 Chemicæ Philosophiæ abusi homines nauci, maximo
 Arcanorum Naturæ antistiti enorminequitiâ usq; adhuc
 insultant. Sentiens isthæc juvenis ego, cum unde ma-
 lo medela pararetur, nusquam invenirem, meo, quod
 ajunt, Marte rem aggressus, de HERMETE primum sin-
 gulari libro inquirere; mox hæc provincia sic fati de-
 functus, Tabulam ejusdem cum cura versare occepi.
 Repetens ergò situ obductam, penitiusq; solito pro-
 prietatem dictionis (quam equidem, si Phœnicem HER-
 METEM haberet auctorem, Phœniciam fore rebar,) in-
 trospiciens, ecce mihi Smaragdus omnis Phœnicismis
 scintillare visus est: quibus porrò ad Ebraismum ex-
 ctis, ea continuò lux undiq; coorta fuit, quæ dispulsis
 nebulis clarè intuendam mihi obtulerit abstrusam il-
 lam HERMETIS mentem, in quam vix è mille uni ingenii
 perspicacia penetrare licuit. Ita demum causa mihi per-
 vestigata, cur pleriq; contortis tabulæ verbis veluti de-
 lusi, & ipsorummet suam, & TRISMEGISTI auctorida-
 tem tot modis iverint attritum. Genii nimirum pristini
 non vola non vestigium in Latina versione amplius su-
 perat; repertu quidem facile iis, qui Orientalium Lin-
 guarum expertes, hujus ductum insequi coguntur.
 Cum enim ea textus Phœnicus antiquus ad verbum

ex-

exprimatur, non ad sensum; vocibus Latinis incapaci-
 bus Phœnicii nexus atque ponderis existentibus, fieri
 profectò nequit, ut genuina verborum Trismegisti vis
 appareat liquidò Phœnicum dialectum non callenti.
 Cæterùm in commodis hinc emergentibus mederi tan-
 dem cupiens, ut voluntati complurium Hermeticæ Sa-
 pientiæ admiratorum responderem, adornavi noviter
 juvenilem Tabulæ ejus in pristinum idioma PHOENI-
 CIO-EBRAICUM translationem. Quâ, cum è vestigiis
 Latinæ versionis verbum verbo reddens, à structura
 Ebræorum ac Phœnicû adeò non aberrarem, ut potius,
 quò pertinacius Latino textui adhæsi, eò proprius ad
 sacri sermonis Phœniciiq; proprietatem elegantiamq;
 accederem; visus sum mihi omnia, certè pleraq; repe-
 riisse verba, quæ nativa Tabulæ, peregrinis commuta-
 visset simplicis ingenii vetustas. Quorum deinde ad
 præscriptum novam & Latinam & Germanicam ver-
 sionem composui; adjecto extemporalis in easdem
 Commentariolo. Sed hæc, & quæ antea dixi cun-
 cta exasciato judicio Tuo, EMINENTISSIME POTEN-
 TISSIMEQUE PRINCEPS ELECTOR, humillimo animo
 committo. Enimverò TIBI, Principum Germaniæ
 nostræ facilè maximo, ter maximi quondam HERME-
 TIS pretiosam è Smaragdo tabulam, abs me nunc depo-
 litam sisto. TIBI inquam. Ita namq; ipse TRISME-
 GISTUS velle, imò jubere videbatur, ut quæ Potentissi-
 mus ipse Princeps, Germanorum parens, primariusq;
 conditor, summus Phœnicum Ægyptiorumq; Archi-
 Episcopus, Archi-Cancellarius atq; Elector Regum,
 Chemiæ deniq; inventor, Phœniciâ dialecto de Secre-
 torum Naturæ maximo reliquit, si quando superato situ
 gratæ posteritati transcribenda forent, fulta exirent
 patro-

patro-

patrocinio Potentissimi item Principis, Germaniæ Pa-
 rentis, primariiq; tutoris, supremi ArchiEpiscoporum,
 ArchiCancellariorum atq; Electorum Imperii, & Ar-
 canorum Naturæ quasi cujusdam Numinis; uno verbo,
 ederentur EMINENTISSIMO ELECTORE MOGUNTINO
 JOANNE PHILIPPO susceptore. Itaq; ad Electoralem
 illam Sedem TUAM Moguntinam ipsius HERMETIS
 voluntate abreptus, ne vel jussum tanti sive HOMINIS,
 sive DEI migrassê, vel in POTENTISSIMAM EMINEN-
 LIAM TUAM peccavisse, vel de CHEMICÆ artis salute
 atq; incremento parùm sollicitus fuisse videar dicarve,
 en TIBI Indulgentissimo bonarum Artium Patri, opu-
 sculum isthoc mole perexiguum (Smaragdum enim of-
 fero, quem pretium commendet non pondus;) demissis
 poplitibus DO. DICO. DEDICO. relegato omni verbo-
 rû & excusantium & deprecantiû purpuris. Cape illud
 EMINENTIS. ARCHIEPISCOPE PRINCEPSQ; ELECTOR,
 idq; gratiosissimo SERENISSIMI vultus Tui Lumine sic
 perfunde, ut Augusto isthoc splendore irradiatum, ma-
 lgnos liventis Invidiæ oculos perstringere, ingenuis
 verò HERMETIS filiis faci esse valeat. VALE. DEUS TE
 SERVET.

Per scriptum in illustri Comitibus Leiningensis Illu-
 strissimi arce HARTEMBURG, dum ipse præessem indoli
 Generosissimi Comitibus junioris, paternarum virtutum
 ex asse hæredis, mense AUGUSTO, ANNI CHRISTIANI
 M. DC. LVII.

LECTU-



LECTURO S.




Eam Tibi AMICE LECTOR, *Tabulam*
Hermetis Trismegisti Smaragdynam: quam
 suo merito Symbolum universi Chemi-
 corum cœtûs dixeris ; ac Lydium lapi-
 dem, adulterinæ circa Lapidem Sapien-
 tum Philosophiæ proditorem. Miraberis, fat scio,
 denuò eam in publicum me obstetricante edi, toties
 clarorum ingeniorum curâ excusam ac recusam. Ego
 verò quàm suspicerem tritum illud, *manum de tabula!*
 dumodo doctiorum manus ad tabulam. Indignum,
 inecastor, ingenti illâ omnium monumentorum luce,
 ex quo tot miseris modis & urba & mens Hermetis fuê-
 re contemerata, hominem inter eruditos non reper-
 tum esse, qui uni saltem periodo nativum decus aslere-
 ret; quin, devolvi difficile id negotium ad juvenem, qui
 parum ingenio, minus judicio possit. Enimverò sex-
 centis amplius formis impressam Tabulam tuâ operâ
 monstrans, nisi vel semel abs Te recensitam repurga-
 tamve ostenderis, ilicet, nihil egisse judicabere. Noli
 igitur juvenili meâ operâ offendi: quàm præstantium
 virorum curas diu frustra præstolatus, Hermeticae Ta-
 bulæ locavi, ut Tu, qui delitiis hujusmodi caperis, ha-
 beres chemicorum opusculorum, & antiquissimum &
 pretiosissimum pristino nitore. Unde nitor sit iste, que-
 ris? E Phœnicio idiomate; quo ut olim ab Hermete

A

exa-

exarata, sic nunc à nobis redonata Tabula est. At illud, inquis, maximam partem interiit. Interiit fateor: veruntamen ita, ut in Ebraismo atque Chaldaismo hodiè adhuc vivat. Scilicet hæ linguæ tam arcto consanguinitatis vinculo illi quondam junctæ fuere, ut si à pronuntiatione, ac propriis rerum aliquot nominibus discesseris, discrepantiam omnem ad elementorum figuram referre debeas. Et illa ipsa literarum figura, nonne Ebræis cum Phœniciis communis olim? Ita hercè eruditarum maximi censent. Qui igitur orationem specialiorum, ut ita loquar, rerum vocabulis vacuum, ex lege proprietatis Ebraicæ Phœniciâ literaturâ expresserit, næ is mihi veteri Phœnicum linguâ scripsisse dicetur. Talis verò oratio omninò est, quâ Tabula Hermetica perscripta: ac præterea ejusmodi, ut vestigiis Phœnicismi in Latinâ versione conspicuis intrusa Ebraica dictio planè exæquetur. Ex his jam de nostro instituto existima LECTOR. *Cætera dixi.*



VERSIO TABULÆ SMARAGDINÆ HERMETIS,

Qualis ea vulgò Latino idiomate, è Phœnicio expressa circumfertur.

VERBA SECRETORUM
HERMETIS TRISMEGISTI.

1. VERUM sine mendacio certum & verissimum.
2. Quod est inferius, est sicut, quod est superius, & quod

- quod est superius, est sicut quod est inferius ad perpetranda miracula rei unius.
3. Et Sicut omnes res fuerunt ab uno meditatione unius: sic omnes res natæ fuerunt ab hac una re adaptatione.
 4. Pater ejus est sol, mater ejus Luna, portavit illud ventus in ventre suo, nutrix ejus terra est.
 5. Parer omnis thelesmi totius mundi est hic.
 6. Vis ejus integra est, si versa fuerit in terram.
 7. Separabis terram ab igne, subtile à spisso suaviter cum magno ingenio.
 8. Ascendit à terra in cœlum, iterumque descendit in terram, & recipit vim superiorum & inferiorum: sic habebis gloriam totius mundi. Ideò fugiat à te omnis obscuritas.
 9. Hic est totius fortitudinis fortitudo fortis: quia vincet omnem rem subtilem, omnemque solidam penetrabit.
 10. Sic mundus creatus est.
 11. Hinc adaptationes erunt mirabiles, quarum modus est hic.
 12. Itaque vocatus sum Hermes Trismegistus, habens tres partes philosophiæ totius mundi.
 13. Completum est quod dixi de operatione Solis.




VULGATA TABULÆ SMARAGDINÆ PARAPHRASIS.

1. **V**erum est, & ab omni mendaciorum involucre remotum.

2. Quodcunque inferius est, simile est ejus quod est superius. Per hoc acquiruntur & perficiuntur mirabilia operis unius rei.
3. Quemadmodum etiam omnia ex uno fiunt per considerationem unius: Ita omnia ex uno hoc facta sunt per conjunctionem.
4. Pater ejus est Sol, mater Luna, ventus in utero gestavit, nutrix ejus est terra.
5. Mater omnis perfectionis.
6. Potentia ejus perfecta est, si mutatur in terram.
7. Terram ab igne separato, subtile & tenue a grosso & crasso, & quidem prudenter cum modestiâ ac sapientia.
8. In hoc à terra ascendit, in cœlum hoc à terra, & à cœlo rursus in terram descendit, & potentiam ac efficaciam superiorum & inferiorum recipit, hoc modo acquies gloriam totius mundi propulsabis igitur tenebras omnes & cæcitatem.
9. Hæc enim fortitudo omni alii fortitudine ac potentia palmam præripit: omnia namque subtilia & crassa duraque penetrare ac subigere potest.
10. Hoc mundus hic conditus est.
11. Et hinc conjunctiones ejus mirabiles, & effectus mirandi; cum hæc via sit, per quam hæc mira efficiantur.
12. Et propter hoc Hermetis Trismegisti nomine me appellarunt: cum habeam partes tres Sapientia & Philophia universi mundi.
13. Consumatum est verbum meum, quod dixi de opere solari.

VER-




VERSIO LATINA TABUL
LÆ HERMETICÆ.

Phœnicij contextus proprietatum servans.

DESCRIPTIO ARCANORUM HER-
METIS TRISMEGISTI.

1. VErè non fictè, certò verissimèque ajo.
2. Inferiora hæc cum superioribus illis, istaque cum iis vicissim vires sociant, ut producant rem unam omnium mirificissimam.
3. Ac quemadmodum cuncta edueta ex uno fuere verbo DEI Unius: Sic omnes quoque res perpetuò ex hac unâ re generantur dispositione Naturæ.
4. Patrem ea habet Solem, matrem Lunam: ab aëre in utero quasi gestatur, nutritur, à terrâ.
5. Causa omnis perfectionis rerum ea est per universum hoc.
6. Ad summam ipsa perfectionem virium pervenit, si redierit in humum.
7. In partes tribuito humum ignem passam, attenuans densitatem ejus re omnium suavissimâ.
8. Summa ascende ingenii sagacitate à terra in cœlum, indeque rursus interram descende, ac vires superiorum inferiorumque coge in unum: Sic potiere gloriâ totius mundi; atq; ita abjectæ fortis homo ampliùs non habere.
9. Ist hæc jam res ipsâ fortitudine fortior existet; corpora quippe tam tenuia quàm solida penetrando subiget.
10. Atque sic quidem quæcunque mundus continet creata fuere.

11. Hinc admiranda evadunt opera, quæ ad eundem modum instituuntur.
12. Mihi verò ideò nomen Hermetis Trismegisti impositum fuit, quòd trium mundi Sapientiæ partium Doctor deprehensus sum.
13. Hæc sunt, quæ de Chemicæ artis præstantissimo opere consignanda esse duxi.



Eigentliche Uebersetzung

Der Hermetischen Smaragd

Tafel ins Deutsche auß dem Phöniciſchen.

Verfaſſung der geheimen Künſte deß
Hermes Trismegistens.

1. Wahrhaftig / außser aller Unwarheit / gewiß vnd warlich ſage ich :
2. Die Geſchöpf hie nieden geſellen ſich zu denen dort oben / vnd dieſe hinwiederumb zu jenen / auß daß ſie mit geſampter Hand ein Ding herfür bringen mögen / ſo voller Wunder ſteckt.
3. Vnd gleich wie alles auß einem durch deß einigen Schöpfers Wort entſtanden : Alſo werden auch alle Ding nunmehr auß dieſem einzigen Ding / durch anordnung der Natur gehöhren
4. Sein Vater iſt die Sonne / vnd ſeine Mutter der Mond : die Luft trägt es gleich als in Ihrer Brunnmutter ; ſeine Säugamme aber iſt die Erde.
5. Diß Ding iſt der Urſprung aller Vollkommenheit der Sachen ſo in der Welt ſind.

6. Seto

6. Seine Krafft ist am vollkommensten / wann es wiederumb in die Erde eingekehret ist.
7. Scheide alsdann die Erde fein von einander / so sie im Fewr gewesen / vnd mache ihre dicke je subtiler vnd subtiler durch Hülffe des allerlieblichsten Dinges in der Welt.
8. In Summa. Steige durch grossen Verstand von der Erden gen Himmel / vnd von dannen wiederumb in die Erde / vnd bringe die Kraft der öbern vnd vn-tern Geschöpf zusammen / so wirst du aller Welt Herzlichkeit erlangen : Dannenhero auch kein verächtlicher Zustand mehr vmb dich sein wird.
9. Diß Ding ist allen starcken Sachen zu starck ; dann es so wol die subtilste Ding überwinden / als auch die härteste vnd dichteste durchdringen kan.
10. Auff diesen Schlag ist alles geschaffen was die Welt begreiffet.
11. Dannenhero können wundersame Dinge gewircket werden / wann es auff solche Weyse angestellet wird.
12. Vnd mir hat man deswegen den Namen Hermes Trismegistus gegeben / weil ich alle drey Theil der Weißheit dieser ganzen Welt besitze.
13. Dieß sey gesagt von dem Meisterstück der Chemischen Kunst.

A 4.

W:CHR.

W. CHR. KRIEGSMANNI

COMMENTA-
RIOLUS INTERPRES
TABULÆ HERMETIS
SMARAGDINÆ.



COMMENTARIOLI INTERPRETIS
TABVLÆ HERMETICÆ

CAPIT I.

*Tabula Hermeti in uitis quibusdam
 asseritur.*

HX quo Chemicè scribi cœptum est, homo natus inventus nemo fuit, qui vel paria sub angusto orationis tegmine secreta propalaverit, atque Tabulâ è Smaragdo lapide *Trismegistus Hermetes*. Duo tamen (quod Chemicorum querulæ hac de re voces testantur,) usum ejus minus expeditum reddidêre; interitus verborum Philosophi ore delapsorum, & interpretum, ut lenissimè dicam, licentia: quorum sicut alteri versione nostrâ *Phœnicio-Ehraicâ* consultum sic fatis à nobis est; nativis Latinorum in locum repositis: ita nunc alteri *Commentariolus* hic me debetur pro viribus. Eo enim & rationem translationis nostræ reddituri sumus, & castigaturi, si quæ ab interpretibus commissa, & sensum deniq; quem vocant, literalem sic enucleaturi, ut prudentioribus comitis instar simus, ad celsas Divæ Chemiæ arces tendentibus. Quæ lectorem meum ipso opere experiri malo, quam pluribus prædicata heic intueri. Ante omnia verò *de auctore Tabulæ* dicendum venit commentaturo mihi. Viri enim aliquot eruditissimi, nescio quâ vi compulsi, non dubitant sententiam eorum, qui Tabulam hanc in claritatem Hermetici nominis referre consenserunt, falsi argu-

argu-

arguere, censuique gerarum canorarum adscribere, quicquid de auctore, de ævo, de repertricæ deniq; ejus traditum ab antiquis fuit: quorum equidem siue omnia siue verba recensere in præsentî non sustinemus; jubentes tantum, ut juxta nobiscum ij seriò expendant, quam in negotio auctorum hujus vel illius scripti notum est, doctos fovere mentem. Enimverò *de auctore uniuscujusque monumenti non nisi è testimonio eorum, quibus id compertum videtur, ad argumentum operis atq; dictionem exacta, constare* fatentur maximi eruditorum: eoque his iudiciis pronunciare solent de scriptoribus omnis generis; id operam maximè dantes, ut si fieri possit, fidem potissimum virorum ejusmodi conveniant, ad quos cura rei libro pertractatæ spectat. Id tunc validissimum probationis genus putant, ac dignissimum, cui uni adfensus habeatur. Ergò jam hoc secuti *Hermetem* Tabulæ Smaragdinae opificem statuimus; quicquid etiam aliis differatur aut disertum fuerit; cum, quòd præstò nobis est corona Ghemicorum Philosophorum, quibus unanimi voce de *Hermete* Tabulæ hujus auctore perhibentibus, fides demî nec debet nec potest; in re quippe, Παιδείαν Chemicæ artis concernente: tum, quòd & argumentum ab ingenio *Hermetis* adeò non alienum tabula habet, ut potius alius quàm Hermetici ingenij foetus haberi nolit; & dictio *Phœnicia* Phœnicem *Trismegistum* arguit; & ipsum nominis *Trismegisti* etymon tabulam supra ævum Græcorum Latinorumque scriptorum in tantum educit, ut cum iidem ad unum omnes intra tempora corrupti à Græcis vocabuli artentur, Tabula nostra liquidò in prisca semet integri adhuc nominis secula atque adeò annos ipsius *Hermetis* penetret. Ut taceam, traditionem

nem

nem de tabulâ hac, seculis post diluvium, in antro propè *Hebron* à muliere *Zara* manibus cadaveris *Hermetis* exemptâ, nullâ sui parte malè se habere, si de *Abrahami* uxore *Sarâ* intelligatur: cùm tempora denati *Hermetis*, id est *Chanaani* Noachi nepotis (vide si lubet *Conjectan. nostr. ad Tacit. Germaniam*) atque *Saræ* congruant; ac locus (urbs *Hebron* à *Chanaani* sive *Hermetis* filio *Heth* exstructa, ad quam sedem fixerat *Abrahamus*,) convenientissimus rei sit; mos adhæc Phœnicum posterorum *Hermetis*, corpora demortuorum uncta cavernis sepultum abstrudendi, pulchrè concordet; & persona denique *Abrahami* in numerum Chemicorum omnium voto recepta fuerit. Summa hæc argumentorum pro *Hermete* Tabulæ Smaragdinae auctore capita qui accuratè secum pensitaverit, pervidebit, spero, num tutius non sit, receptæ inter chemicos de *Hermete* opinioni inhærere, quàm ad lubricas dediscere conjecturas.

C A P. II.

Phœnicium idioma non Græcum tabula nativum esse defenditur.

DE idiomate quo perscripta Tabula est opportunum sit nunc cognoscere, postquam de auctore ejus actum à nobis. *Græcum* illud fuisse non nulli asseverant: quos inter miror, imò indignor reperiri virum Chemicarum rerum peritiâ insignem, *H. Ar. No. R. des Löwen von Witternacht* / ut se vocat, *G. S. vnd Prov.* Ille verò erudito scripto, cui inscriptionem fecit. *FAMA REMISSA ad Fratres Rosæ Crucis*, anno 1616. excuso, scribere in hanc mentem voluit: *Es ist heut zu Tag gemein/ daß man Philosophiam Hermeti-*

eam

cam vnd Aristotelicam quasi contradictorias anfibro-
 ret: da doch nicht genuini vom Hermete mehr vorhan-
 den als die Tabula Smaragdina, vnd ein paar dialogi,
 welche doch gang mit allen illustribus sententiis in dem
 Aristotelem gebracht seyn. &c: Es muß auch dieser
 Hermes natione Ægyptius seyn/da er doch Græcus vnd
 Rex Athenarum gewesen &c. Vnd wer wil vns bere-
 den/das die forma loquendi verbosa, ἀληθές, ἀνευ ψέυ-
 δους, πιστόν καὶ ἀληθές, solle können in Linguis Oria-
 entalibus gefunden werden/sonderlich in doctrinâ Ma-
 gorum, welche nicht anderst als nur brevissimi loqui
 seyn. Hactenus vir ille doctissimus doctè; at non fa-
 tis validè: Nam quod de Hermete Athenarum rege ait,
 probatione eget ut quod maximè; per q̄, ea penitus e-
 vertitur, quæ peculiari libro, in Taciti Germaniam Com-
 mentario, de personâ Hermetis differuimus; quòd vide-
 licet is Noachi nepos Chanaan &c. ac gentis atq; lite-
 raturæ Phœnicum conditor extiterit. Quo quidem
 ipso manifestum esse videtur, monumenta ab eodem
 profecta, non Græcâ sed Phœniciâ linguâ signata olim
 fuisse. Deinde, quis Linguarum Orientalium vel paul-
 lum gnarus tam hebeti mente est, ut continuos Phœni-
 ciae dialecti idiotismos Ebraismi ductu per integram
 Tabulam non observet? Aut, cui quæso persuadebi-
 tur, structuram verborum horum: Verum, sine men-
 dacio, certum & virissimum, Græciam redolere, & non
 potius Orienti tribuendam? Certè, que loquendi e-
 jusmodi formæ verbosæ dicantur, Orientalibusq; Lin-
 guis adimantur tenere nequeo: præsertim, cum nihil
 æquè orientale sit at que dicere: **יְדַן בְּלִי שְׂקָה אֲכַן**
יְדַן Neque verò quicquam est, quod Magorū præten-
 ditur breviloquentia. Ut maximè enim tabulam Her-
 meti-

meticam *Magicis* annumeremus, (quod tamen eorum pace non fecerimus, qui quid *Magia* fuerit veteribus norunt,) num ideo in tantas angustias Magos conjiciemus, ut rei, & falsitatis & vilitatis nomine traductæ magnitudinem, certitudinemque quatuor aut sex oculis ingenuos discipulos edocere nequeant? Sed quid verbis opus? Transferant ij, quibus Græcia heic tantopere amata, Tabulam è vestigiis Latinæ versionis in Græcum idioma; nobisq; dicant, utrum magis ideam nexus atq; fluxus orationis Græcanicæ inducere contextui possint, quàm efficere, ut stricta Germanorum vestis Sarmatarum more fluitet, si è panno Polonico eam vel maximè curaverint conficiendam. Tantum de idiomate.

CAPUT III.

Inscriptiones tabulae, duoque incisæ illustrantur.

JAM ad Tabulam ipsam. Dicitur ea *Smaragdina*; quod Smaragdo lapide parata; tenuisse creditur *Hermetis* verba insculpta; usitatâ *Hermetis* ævo ratione artes ac scientias posteritati committendi. Phœnicibus Ebræisque absq; dubio vocata fuit, לוח ברקת *Tabula Smaragdi*; ut divinæ è lapide tabulæ apud *S. Mosen* לוח אבנים *Tabula lapidum* i. e. *lapideæ* appellantur. Cæterum inscriptio eidem hæc est: VERBA SECRETORUM HERMETIS TRISMEGISTI. Quæ prætereunda minimè; quum initio statim Genius tabulæ Phœnicus rejectâ veste Latinâ prodire nudus in publicum fatagat. Loquendi nimirum forma, *verba secretorum*, ex Oriente est, non è Græciâ vel Latio: eoq; Ebraismi beneficio explicanda. Vox רבך quæ notatione *verbi* item rei plu-

plurimum decoris sermone sacro ac vicinis parit, nonnunquam singulari quadam elegantia pro monumentis literariis v. g. Epistolis publicis, libellis &c. sumitur: Cujus rei luculentum indicium capere licet *Esth. c. IX. v. ult.* ubi *literæ regie de festis Purim præcipientes*: quarum mentio facta v. 29. vocantur *רברי הפרים* *verba Purim* i. e. Beschreibung wie es mit dem Feste Purim gehalten werden soll &c. Atque huc etiam pertinet nomen *Librorum Chronicorum* in S. Codice *רברי הימים* *verba dierum* i. e. monumenta ævi historiam complexa, *Zaa-oder Zeit-Bücher*. Hinc jam mens inscriptionis Tabulæ nostræ fuerit, *Monumentum literarium &c. de Secretis &c.* Quod verò nomen *Hermetis* sic scripsimus: *חרם תלת סחות* *Cherem Thlismegistos*: ejus rei inferius causas afferemus. Porro in eleganti Ebrææ vicinarumq; Linguarum phrasi initium *Hermes* sumit tabulæ. Illæ namque de negotio magni momenti afferaturæ, *particulas affirmandi* coacervant, ingeminantes ponderosum illud *מדן* *Morem servat Trismegistus*, & quò majorem in legente excitet ardorem, magna se prolaturum constanti isto ac severò vocum affirmativarum *συναθροισμῶ* (*VERUM, SINE MENDACIO, CERTUM, AC VERISSIMUM,*) pollicetur. Facto hoc, egregiè scribere incipit: *QUOD EST INFERIUS, EST SICUT QUOD EST SUPERIUS; ET QUOD EST SUPERIUS, EST SICUT QUOD EST INTERIUS; AD PERPETRANDA MIRACULA REI UNIUS.* Quæ verba altissimæ indaginis, usque adeò neglectim plerisq; interpretum habita sunt hactenus, ut non injuria ambigere possis, num quæ philosophi aliquot eximii illustrandis iis dixere, non Naturæ potius quàm dictorum Hermeticorum intellectu profati sint; abusu verò eorundem altum ingemiscas. Nos ex Ebraismo paucis genuinum eorum sensum indicabi-

dicabimus. Uſu hîc interdum venire animadvertimus, ut particulae *ſimilitudinis* indices ſive *inſeparabiles*, ſive *ſeparatae* non tam *ſimilitudinem* quam *concurſum* aut *ſocietatem* deſignent. Ita cùm Achab rex Iſraëlis, contra Syriae regem in aciem proceſſurus, è Joſaphato Judee rege quaereret: *Iſne mecum ad bellandum contra Ramoth Gilead?* Joſaphat autem reſponderet: *Sicut tu, ſic ego ſicut populus tuus, ſic populus meus, ſicut equi tui, ſic equi mei erunt* 1. Reg. XXII. 4. idem fuit, ac ſi dixiſſet: *Ego tibi, populusq; meus populo tuo, equi denique mei equis tuis aderunt ſocii ad dimicandum cum Syriae rege.* Ac tales quidem phraſes Rabbini dicunt adhiberi לקצר הלשון abbreviandi ſermonis cauſa; cùm plenè ea ſic efferri debeant: *Ego ero ſicut tu, & tu eris ſicut ego, populus meus erit ſicut populus tuus, & populus tuus ſicut populus meus &c.* Qualis ut ſic dicam *reciprocatio* in verbis noſtris Hermeticis eſt. Quæ hoc idiotiſmo Linguae S. expoſita, non nudam *ſimilitudinem* ſuperiorum atq; inferiorum, (ut interpretibus viſum,) ſed *concurſum* quoq; atq; *unionem* inferunt; id quod Hermetis Filio probè notandum. Quod deinde additur: *ad perpetranda miracula rei unius*; obſervari debet, præfixum ה infinitivis junctum locutiones ejuſmodi gerundio-participiales conſtituere, perq; *conjunctionem* ut exponi: *Hypallagen* quoq; Ebraeis illam familiarem eſſe, qua *concurrentibus duob; ſubſtantivis*, id quod epitheti loco eſt & *adjectivè ſumi* debet, præcedit. v. g. Pf. XXXVII. 2, כירק דשא ſicut viror herbae, i. e. ſicut herba viroris, h. o. ſicut herba viridis. Sic ergò in tabula verba האע, לעשות פלאי דבר אחד, hunc gignunt ſenſum, ut producant rem unam omnium mirificiſſimam. Judica nunc O Fili Hermetis! de iis, qui per *miracula rei unius* Lapidem Philoſophorum aurificum indigitari volunt.

CAPUT IV.

Sequentibus quatuor incisus lux illata.

Pergit *Hermes*: ET SICUT OMNES RES FUERUNT AB UNO MEDITATIONE UNIUS: SIC OMNES RES NATÆ FUERUNT AB HAC UNA RE ADAPTATIONE. Notari hîc meretur *radicem* Ebraicam, unde vox *meditationem* significans defusa, præter *meditari* etiam eloqui denotare; ut nomen הנה scitè *sermonem, verbum* reddere queas, significatione in S. Literis aliquoties occurrente. Quod autem dixit *Hermes, nata fuerunt*, multorum ingenia torfit: quippe cum capere illud non satis potuerint, quei omnes res natæ ab una re dicantur adaptatione &c. At salva res est: præterito *Trismegistus* usus est præsentis loco; ex idiotismo Phœnicum Ebræorumq; qui sic loqui consueverunt, cum significatur *non quod fuit, aut futurum est, sed quod perpetuò fit, aut fieri debet*. Voce adaptationis verò non nisi *operatio Naturæ* designatur. Scilicet *Natura* ordo est ac dispositio i. e. מערכה adaptatio causarum: ceu mihi *Aristoteles* ac reliqui Philosophi omnes largientur. Phœnicibus verò atq; Ebræis non inusitatum fuisse dictionem מערכה ad significandas *Naturæ operationes* adhibere vel inde quivis colligat, quod *Rabinis* hodiè quoq; *naturales syderum in hæc inferiora influxus dicuntur* מול מערכה i. e. adaptatio sive ordo atq; dispositio astrorum. Ex his mens *Hermetis* non potest non clarissima evadere. Quæ sequuntur, PATER EIUS EST SOL, MATER EIUS LUNA, PORTAVIT ILLUD VENTUS IN VENTRE SUO, NUTRIX EIUS TERRA EST, explicatione literali non egent. Tantum observari velim, dictione ריה h. l. *aërem* indigitari; præteritum verò portavit perinde atque superiùs *nata fuerunt*

præ-

præsentis significatu accipiendum esse. Perperam autem *Paraphrastes* hæc, PATER OMNIS THELESMI TOTIUS MUNDI EST HIC, præcedentibus attextuit; voce *Pater* in nomen *mater* versâ. Neq; enim ad terram ea trahi debent, quum ad ens mirabile Philosophorum pertineant; quod *pater* est, אב i. e. *causa*, *origo* omnis perfectionis universi hujus. Perperam præterea pronomen *hic* pro particulâ locali habitum. Nam ex Ebræo-Phœniciaco הוא *masc.* est, ac masculino רברב substitutum, interpretisq; incuriâ pro fœminin: hæc quod dè res exigebat, retentum. VIS EIUS INTERGA EST SI VERSA FUERIT IN TERRAM inquit Hermes ulterius i. e. *Virtus rei illius est תמימה ad summum perfectionis gradum à natura evecta, si redierit (res) in humum &c. non, si substantia ejus versa sive mutata fuerit in substantiam terræ; ut quidam satis absurdè exponunt.*

CAPUT V.

In septimi atque octavi incisorum sensum inquiritur.

Nunc cum interprete vulgari res nobis erit vel invitis. Scribitis: SEPARABIS TERRAM AB IGNE, SUBTILE A SPISSO, SUAVITER CUM MAGNO INGENIO. ASCENDIT A TERRA IN COELUM, ITERUMQUE DESCENDIT IN TERRAM, ET RECIPIT VIM SUPERIORUM ET INFERIORUM. Is inquam sic scribit Equidem quidvis potius credere velim, quam fidem iis habere, qui *Hermetem* hæc locutum perhibent; usq; adeò his nihil Hermetici, nihil Philosophici, nihil deniq; aut solidi aut veri inest, Ac jure ex interprete quæsivero, à quoniam tandè igne terram, quâve viâ separè? quàm feliciter item subtili & spisso, suaviter Oedipi acumine separatis ad

opus Philosophicum utar? Duram, ædepol, maximi
Hermetis vicem! qui quum vernaculâ linguâ sapientis-
 simè de arcanorum Naturæ summo dixerit coram or-
 be, interpretis nunc frigore sermoni adsuescere cogi-
 tur, cujus in eodem negotio discipulorum ejus infimum
 quemque & piguisset, & tæduisset olim. Sed undenam,
 ais, verba isthæc interpreti arrepta, si *Hermes* ea ipsi in
Phœnicio Tabulæ exemplari non præivit? Dicam inge-
 nuè quæ sentio: audite qui ingenui. Et *Hermes* cul-
 pa vacant, & *interpret* ejusdem. Scripserat ille: מאור
 עולה דק מעבה במתק: בנרל השכל תפריד האדמה
 &c. &c. Hic eo quo diximus modo
 vertit; reputans 1. vocem מאור cum verbo תפריד con-
 strui oportere, 2. esse nomen substantivum, 3. מ in
 מעבה nomine præfigi, 4. præfixum ב in במתק adverbi-
 um, Ebræorum idiotifino circumscribere, 5. verba
 השכל ad sequens incisum non pertinere, 6. de-
 nique participiis יורד עולה atque אוסף præsens ex con-
 suetudine Linguæ S. significari. Sanè sexcenti è con-
 sultis Ebrææ Phœniciaq; dialectorum aliter vix red-
 diderint, rebus sic comparatis. Quo nomine inter-
 pretem criminis absolvi æquum est. Ac procul omni
 dubio *Hermes*, rationem eliciendi *Philosophorum Mer-*
curii traditurus, verba hæc diversos sensus admittentia
 consultò adhibuit; quò non cuivis statim in proclivi
 foret, pedem in arcana ejusmodi intrudere. Quicquid
 tamen ejus rei sit, nos, quæ nostra est tenuitas, primi,
 nisi prorsum fallimur, verum sermonis Hermetici sen-
 sum extricaturi sumus. Verbum igitur פרר propriè e-
 jusmodi separandi modum notat, qui fit discriminando si-
 ve disjungendo &c. atq; ita nudo accusativo jungitur;
 quod notissimum, Deinde פאור scite voci האדמה an-
 necti-

commodemus, non ad materiam. Quâ ex causa nunc illud quoque est, quod verba hæc, *in magnitudine ingenii alteri periodo vindicanda ducamus.* Ut sensus tandem emergat: *Discriminabis humum ignem passam, subtilians, ut sic loquar, pinguem ejus densitatem beneficio rei omnium suavissima.* *Ingenii sagacitate ascendens à terra in coelum, iterumq; descendens in terram, ac virtutes superiorum atque inferiorum coadunans; SIC HABEBIS GLORIAM TOTIUS MUNDI.* Et hæc verba in posterius hoc incisum locari debent; si non vocibus, at sensu. Est namq; integra periodus (*Ingenii sagacitate ascendens &c.*) rerum de quibus verba ab Hermete facta quasi summa quædam, semel omnia quæ antecessere cemplētens, & hoc vult: *Si ingenio ascenderis &c. habiturum te omnia scito quæ expetas.* Cave ergò verba isthæc putes novarum Tibi operationum necessitatem, quarum in præcedentibus mentio facta nulla, imponere. Atq; hæc de his Tibi habeto.

C A P. VI.

De nono, decimo, & undecimo inciso differitur.

Subjungit Trismegistus: IDEO FUGIAT A TE OMNIS OBSCURITAS. *Obscuritas* h. l. idem est, quod *ignobilitas*; & *obscuri* חשכים sunt *ignobiles*, & *abjectæ sortis homines*: quibus opponuntur נכבדים *viri celebres ac honorati*; sic dicti à כבוד *gloria*, quam vocem Hermes scitè *obscuritati* ἀντιθεται. Quod deinde dicitur; HIC EST TOTIUS FORTITUDINIS FORTITUDO FORTIS: QUIA VINCET OMNEM REM SUBTILEM OMNEMQUE SOLIDAM PENETRABIT, sic intelligendum est, *res ea, quæ ad Naturæ præscriptum à Philosopho è ma-*
ter

teria Philosophicâ elicitur, est fortissima omnium, (Notus enim est Ebraismus, quando conjugatorum Synonymorumq; contignatione superlativa locutio effertur;) quippe cum tam subtilia quam solida (ציק' ut id quod è metallis fufum,) entia subigere atq; penetrare possit. SIC MUNDUS CREATUS EST. Quemodo? dic fodes Trismegisti. Dicet pro Te in gratiam discipulorum Tuorum quidam posteriorum tuorum Sanchuniathon scriptor Phœnix antiquissimus, quiq; Philone ap. Euseb. de præp. Evang. lib. 1. c. 9. teste, quæ de primordiis rerum scripsit cuncta, è monumentis tuis hausit. Is ergò ap. Eusebium lib. 1. conditi mundi duo quædam principia materialia statuit: quorû alterum quasi activum, πνοήν sive πνεῦμα vocat, alterum passivû χάθη ἐρεβώδες, i. e. ex interpretatione (L. Bocharti (sub fin. Tom. 11. Geogr. Sacr. Chanaan Phœnicio-Ebraicâ dialecto כהות ערב caliginem vespertinam &c. appellat; cui nomen etiam ἀεζήζοφώδες tenebricosi aeris dedit. Quo quidem ad S. Mosén ferè accedit, qui Gen. 1. & Spiritûs, (רוח אלהים) i. e. si ex idiotismo S. lingv. juxta quorundam mentem verteris, Spiritus vehemens &c.) meminit, & tenebrarum super faciem abiissi. Addit verò, ἐκ τῆς ἀυτῆς συμπλοκῆς τῆ πνεύματῃ ἐγένετο Μωτ τῆλο ἰνές Φασιν ἰλήν, οἱ δὲ ὑδαλώδες μίξεως σῆψιν. i. e. ex conversione ejus (chaus) cum Spiritu emerfisse Mot. (quæ dictio CL. Bocharto judice è Phœnicio-Ebraico מוּט est, significante Materiam, ut Arabic. مَادَة &c.) quod nonnulli liminum interpretantur, alij, aquosæ mixtionis putredinem. Atque his quoque Sanchuniathon S. Mosi adstipulatur agenti: Spiritum agitasse se (מַרְהַפֵּת i. e. ut Arabs nisi fallor, Lexicographus apud (L. Hottingerum Analect. diss. II. thes. 8 (b) interpretatur optimè, מַרְהַפֵּת מוּט

ὕδα tremens, perpetuo motu & tremore agitatus &c.) in
 superficie aquarum. Ex hac jam mīstura videntur illi
 facta Πᾶσα σπορὴ κλίσεως καὶ γένεσις ὄρου, *semina cre-*
ationis omnia & generatio cunctorum &c. Redeo nunc
 ad Te, magne *Hermes*, de tuâ circa creationem mundi
 opinione inquisitum. Scripsisti in Tabula de Spiritu illo
 universali mundi, quem Philosophi tui suum *Mercurium*
 dicunt. Ille verò is ipse est, qui initio rerum fe-
 minium creaturarum è Chaûs antiqui massa te auctore,
 produxit adque generationem aptum reddidit. Benè
 igitur imò optimè ais, *mundum sic creatum esse*, i. e. o-
 mnes per hoc universum res, universalis hujus Spiritus
 ad specialia cujusq; entis femina accessu cœpisse. Sa-
 pienter verò progredere: HINC ADAPTIONES ERUNT
 MIRABILES: QUARUM MODUS EST HIC. i. e. juxta tu-
 am Linguam: על-כן מערכית יהיו פלאות לאשר
 : הדרך ההוא *hinc admiranda evadunt operationes ea na-*
turales, (five per naturam tantum, five etiam fiant per
 artis dispositiones,) *quæ ad hunc creati mundi modum*
instituantur. Ea enim mens verborum est: Quando-
 quidem vox *adaptationes* tam de operationibus Naturæ,
 ut sic dicam, merè naturalibus, quam de aliis, quæ præ-
 viâ artis dispositione per naturam fiunt, usurpari po-
 test; futurum *erunt* verò loco præsentis ponitur, non
 infrequenti Ebræis more *præsens* in generalibus senten-
 tiis בלשון עתיד ut R. *Aben Esra* inquit, i. e. *sermone*
futuri efferendi, ac phrasis לאשר דרך ההוא similis e-
 jus est, quæ Gen. XXXI. 35. occurrit: דרך נשים לי
ad modum fœminarum mecum agitur &c. Huc usq;
 Hermes secreta sua persecu-
 tus est.

CAP. VII.

*Reliquorum binorum incisorum mens
exposita.*

SUCCEDIT NOMINIS SUBSCRIPTIO HUIUSMODI: ITAQUE
 VOCATUS SUM HERMES TRISMEGISTUS, HABENS
 TRES PARTES PHILOSOPHIAE TOTIUS MUNDI. Adflu-
 ctus ea & saxa complures præstanti ingenio viros alli-
 sit: quorum aliqui, quam tres Philosophiæ partes divi-
 sione rerum in *Animalia, Vegetabilia, ac Mineralia*
 metirentur, suspicari cœperunt, materiam Lapidis Phi-
 losophici è tribus iis, quæ vocant, regnis petendam filio
 Hermetis; auctoritate cum primis illustris *Trevisanae*
Comitis abusi cæteri, quòd particulam *Itaq;* ad præce-
 dentia referendam existimarent, nec qui confectio
 Lapidis Philosophici Trismegistum effecerit Herme-
 tem, satis caperent in diversas de argumento Tabulæ
 abierunt sententias; conjunctas non rarò cum ingenti
 veritatis dispendio. Ut autem in posterum Syrtes e-
 jusmodi evitare cultores veritatis discant, notent ante
 omnia particulam *Itaq;* in Latinâ versione accentum in
 penultima habere, non in antepenultima; atq; ita è duo-
 bus componi; ex *adverb. similitud. ac conjunct.*: (quæ)
 respicere autem verbum substantivum *ש* sic enim ver-
 ba Hermetica è fonte habent *יבן נקרא-לי תרם תלה*
Ellipsis autē *ש-לי תלת סגות* *קל-העולם*:
 perelegans conjunctionis causalis *ו* sive *אשר* quòd,
 intercurrit: quâ observatâ, jam sensus erit planus: At-
 que ita vocatus sum *Hermes Thlismegistos* (Trismegist.)
 quòd habeam tres partes Sapientiæ totius mundi. Ceterû de
 tribus illis Sapientiæ partibus è distinctione corporû in
חיים ודומם ut *Rabbini* vocant, i. e. *animatum,*
 B 5 *vege-*

vegetans ac silens sive Minerale judicandum non est: sed è *cap. 2. lib. III. Metaph. Aristotelis* collato cum *c. 6. lib. XII.* probe tenendum; Philosophiam omnem juxta numerum substantiarum in tres partes tribui. Quarum *Prima* de substantia immobili tractet, ac *Theologia* sive *Metaphysica* dicitur; *Secunda Physica* audit, inque substantia mobili corruptibili occupatur; *Tertia* denique circa substantiam mobilem incorruptibilem versans *Astrologia* vocatur

Trium harum Philosophiæ partium compos *Hermes*, cum divinitus iis ornatus judicaretur; revelationum supernaturalium obventu, vocari multitudini Phœnicum cœpit *מחזות הרם תלת* *Hermes trium revelationum*, i. e. *cui tres revelationes divinitus contigerunt.* Quod audientes Græci, nominibus è Phœnicio in Græcum solum transplantandis ad ineptias usq; dediti, confestim manus appellationi injicerunt, eandemq; in quandam similitudinem Atticarum vocum corrumpentes, effecerunt, è *Tbilismechiusdos* (quo modo absq; dubio dictiones, recedente non nihil ab Ebræâ Phœnicum pronunciatione prolatae) ut esset *τρισμέγιστος*; ὅ pro more in P. Græc. verso. Reliqua è dictis quivis suo opte studio conjiciet. Tandem Hermes in his definit: **COMPLETUM EST QUOD DIXI DE OPERATIONE SOLIS.** Sed quid dixi *Hermes*? inò *Interpres* præter ejus fortasse mentem. In antiquo nimirum Tabulæ exemplari Phœnicio extabat *מפעל הנה* quod ab interprete statim versum: *de operatione Solis.* Eja verò bellam Solis operationem! Equidem haud inficior, *הנה* *Solis* esse vocabulum: At illud heic sic adhiberi, id verò est quod nego, Quid præter *Solem* dictione eâ designetur, requiris è nobis? verbo dicam, *Chemica ars.*
Hujus

Hujus siquidem nomen eadem quâ Solis orta appella-
tio, radice nascitur; *vide Conjectan. nostr. ad Taciti Ger-*
man. idque formâ vocis חַיְמָה Quid mirum igitur, si in-
terpretes de etymo *Chemia* parùm cogitantes, ad *Solem*
dilapsi sint? Cùm rectius vertissent: *Absoluta sunt quæ*
dicenda mihi sumpseram de opere Chemia. Quomodo ut
memonente interpretentur filii Hermetis, è re & Do-
ctoris, & discipulorum esse videtur. Vocem חַיְמָה au-
tem rectè de *præstantissimo Chemia opere* veluti חַיְמָה è ξο-
χὴν usurpari: perinde ac Græcâ dictione ποινσις *Ch-*
mia; vocabulo ποιντιὺν vero *Chemici* olim, (L. Reinesio
Var. Lect. l. ii. c. 5. teste designati. &c.

CAPUT VIII.

Constituitur argumentum tabulae.

Dixi literam Hermeticae Tabulae breviter: reliquum
esset de iis, quæ ad ipsam rem pertinent, aliquid in
medium adducere. Verùm enim verò cùm magni viri
sibi ejus negotii curam deposcant, temerarius judicet, si
juvenis de arduis hujusmodi differere occepero. Fama
est, de Philosophorum Lapide aurifico argentificoq;
tabulam præcipere. Itaque clarissimi Chemicorum
censent: Hos tamen vanitatis postulat laudatus nobis
auctor *Fame remissa ad fratres Rosæ Crucis*, scribens:
So muß auch dieselbige Tabula den Methodum Lapi-
dis Philosophici lehren: welchem reclamirt nicht al-
lein Paracelsus in Archidoxis, sondern es beweiset es der
Text selber. Denn er saget / daß umb dieser cognition
willen er Trismegistus genant / haben tres partes Phi-
losophiæ wer wil aber glâuben / daß vel opificium vel
cognitio lapidis mache Trismegistum, habentem tres
partes Philosophiæ? Es wäre denn / daß einer von dem
Glanz

Glanz des Goldes so ganz verblendet sey / daß er weder
 von Gott noch andern Dingen etwas mehr erkenne-
 te / vnd das Gold pro summo bono achtete. Warlich
 die cognitio des Menschen ist viel wichtiger als die co-
 gnitio lapidis. &c. Docet autem tabula illa de opera-
 tione Solis, & influxu Spiritus ætherei, ut verba clarè
 sonant. Vnd damahls Hermetis tempore ist nicht
 bräuchlich gewesen / die Metallen mit den Namen der
 Planeten zu nennen &c. Summa, docet omnem ge-
 nerationem fieri ex spiritu, omnem motum & alteratio-
 nem naturalem fieri per Spiritum. Est enim Spiritus
 prior quàm corpus. Daß also die sich Philosophos
 Hermeticos nennen / nicht wissen was Hermetisch ist /
 vnd dessen daß sie Hermetisch nennen mit einem Buch-
 staben wissen darzuthun / oder das gewiß auß Hermete
 zu beweisen : Ohne was einer dieses / der ander jenes
 nârrisch gnug phantasiret. Hæc ille. Quorum arbi-
 trium sit penes Lectorem. Nos, ne aut plus iusto Ta-
 bulæ tribuamus aut gloriam argumenti ullo imminua-
 mus modo, largimur utique, Hermæi de lapidum auri-
 ficorum argentificorum *Gabri, Lullii, Trevisani, Valen-
 tini, Paracelsi &c.* nullo expressè sermonem esse; ita
 quidem, ut *Garlandi* aliorumq; sententia intellexerit
 per *inferiora* corpus, per *superiora* animam, per *miracu-
 lare* unius, virtutem Lapidis perfecti, per *Solem* aurum,
 per *Lunam* argentum, per *ventum* Mercurium per *nu-
 tricem* fermentum &c. At neuticam ad sensum iis per-
 hibemus, qui Chemicorum manibus tabulam prorsus
 excutiendam judicant; eò quod de Lapide aurifico
 &c. non tractet. Absit, eò temeritatis progrediatur fi-
 lius Hermetis. Ut autem quid de argumento ejus ipsi-
 met tandem sentiamus, Lector meus paucis habeat, se-
 cutus præclari ingenii aliquot Philosophos, ajo:

Agere

*Agere tabulam Smaragdynam de VNIVERSALI
PHILOSOPHORVM MERCVRIO, qui
& renua & solida corpora penetrando enudat, mercedem
laborũ id si velis ferens, quò ne cum ubiq; sit, sit, nusquam, a-
licubi esse incipiat; reliquum verò tibi sic locans, ut Tuo stu-
dio gravidus eo reditus, Te Nestoris atq; Cræsi bonis faciat
abundantem: De quinta scilicet illa quatuor elemento-
rum essentiâ Catholicâ; ad quam hodiè in publicum veluti
propellendum Naturæ imperio manus jungunt socias infe-
riora ac superiora, conferentibus*

Sole, IGNIS fonte, semen;

Luna, AQVÆ dominâ, Sperma;

Vento, AERIS hospite, Menstruum;

Humo, TERRÆ principe, Lac.

*Per quam & herbae florent, & animantia vitam ducunt,
& minerae tumescunt, & aethera pariunt, & Natura deni-
que natura est. Habes, amicæ, quæ de Tabulâ judico.*

CAP. IX.

Apologia studiorum nostrorum Chemicorum adversum censors.

QUOD superest, non equidem dubito, varia de me
scriptoq; meo variorum judicia fore; ut quisque
animo livore aut vacuo aut illaqueato in me atq; studia
mea erit. Ea verò tantum abest, ut reformidem, ut
potiùs, quò vehementius Musas meas potitum iri præ-
video, eò incitatio gressu spatia doctrinæ hujus de-
currenta mihi intelligam. Quod si nunc eorum, qui
propius me norunt sint, qui ex me quærere gestant, cur
juvenis ego & frequentator Academiæ, quisq; an-
tea alio in studiorum genere versatus videar, subitò
nunc mutato animo ad *Chemica* descenderim; quasq;
Aristo-

Aristoteli chartas impendere decebat, *Hermeticis*, ac nescio quibus non nugis ille verim? ij grave sibi non ducant, verba *M. Tullii* (hæc enim commodum succurrunt,) leviter huc infl exa responsi loco ferre. *Ego fateor*, me Chemicæ Philosophiæ post Theologiam, disciplinas, ac Philologiam esse debitum. Cæteros pudeat, si qui ita *Physicis* interpretum aliquot *Aristotelico-*rum ineptiis sese abdidderunt, ut nihil possint ex his neq; ad communem afferre fructum, neq; in aspectum lucemq; proferre. Me autem quid pudeat? Qui aliquot annos ita vivo, ut ab illis nullo me unquam tempore aut invidia aut calumnia abstraxerit, aut voluptas avocârit, aut deniq; somnus retardarit. (quare, quis tandem meprehendat, aut quis mihi jure succenseat, si quantum cæteris ad suas res obeundas, quantum ad festos dies *Bacchanaliorum* celebrandos, quantum ad alias voluptates, & ad ipsam requiem animi ac corporis conceditur temporis, quantum alii tribuunt intempestivis conviviis, quantum deniq; alexæ, quantum pilæ, tantum mihi egomet ad *Chemica* studia excolenda sumpsero? Atq; hoc ideo mihi concedendum est magis, quod ex iis *Aristotelica* quoq; lumen atque incrementa sumit *Philosophia*, ac facultas ea, quæ quancunque *Divinâ gratiâ* in me erit, nunquam proximi salutis defutura est. *Hermetem* vero, non ego diligam? non admirer? non omni laude evehendum putem? Atqui sic à summis hominibus sapientissimisq; accepimus cæteris cæterarum rerum studia & doctrinâ & præceptis & arte constare; *Hermetem naturâ ipsâ valuisse, mentis viribus excitatum, & quasi divino quodam Spiritu afflatum fuisse.* Atq; hæc quidem *Cicero* pro me cuiq; curiosorum in aurem.


MAN-



MANTISSA.

SALVE LECTOR.

Omnia inter scripta superiorum seculorum Chemicæ, nullum est, quod secundam ab Hermeticâ Tabulâ palmam æquè mereatur, atq; *Testamentum Arnoldi de villâ novâ*; scriptoris, si quicquam judico, reliquis longè præferendi: tum, quod omnium, me judice, acerrimè ad Smaragdum Hermetis obtutus est; tum quòd luculentiora cæteris de confectione Lapidis Philosophici tradit, teque, quod caput rei est, è salebrofa *destillationum, sublimationum*, & id genus aliorum anfractu, in mollem simplicis naturæ semitam reducit. Itaq; de Te benè mereri volens, ne quivi usibus tuis tam præclarum, addo & carum monumentum invidere: maximè quū deprehenderem, non cujusvis esse, *Paraphrasin* in illud eam adornare, cujus nec auctorè nec Arnoldū, si revivisceret, pœniteat; multorum verò interesse scirem planam in Tabulam Smaragdynam expositionē (*qualem profecto Villanovani Testamentū ex se promittit*), possidere. Quæ ergò in tui gratiam egimus, *Candide Lector*, boni consule, æternumq; ut Valeas cura.



ARNOLDI DE VILLANOVA

TESTAMENTUM

è versione Gallici in Latinum idioma

ANDREÆ ORTELLII Chemici Clariss:

Lapis generatus ortusq; de terrâ, per elevationem perficitur. Aquæ potione satiatus, infra duodecim horas, ut minimum, inflatur & intumescit circumquaq; visibiliter. Post-

Postmodum in balneo positus, vel in aëroso hypocausto moderatè calido & sicco ac purificatus ab extraneo vapore, soliditatem suarum partium acquirit, extenuatusq; superfluâ humiditate fit idoneus ad contritionem. Quo factò, ex purioribus illis partibus exprimitur lac virgineum. Quod mox inde positum in ovum Philosophicum, proprio & continuato calore foveatur, ut pro pullorum exclusione. Varietate colorum suorum nudatus gaudet cum suo compare, colore tinctus instar nivis. Inde post absq; periculo resistit ignis violentiæ, tantisper, donec pavonis coloribus ornatus, de monumento egrediatur cum regali summaque potentia.

IDEM TESTAMENTUM è Paraphrasi nostrâ

Lapis noster e terræ vomicis scaturiens, si igne elevetur perfectas acquirit vires. Limpidissimâ aquâ ad facietatem potus, duodecim circiter horarum spatio extumescet notabiliter. Tunc balneo Philosophorum illatus, aut hypocausto aëri pervio, moderateq; calenti ac sicco, purificabit sese ab extraneo vapore, soliditatemq; paulatim induet; atq; adeò inutili humore abactò aptus fiet conteri. Ergò jam e purioribus ejus partibus Lac virgineum premendo elice: idq; ovo Philosophico inclusum, calore suo fove jugiter, dum pullos videris exclusos. Ille verò cessante mirâ colorum varietate niveo albore nitens, compari jungi gestit. Factò hoc, citra damnum vim ignis sustinebit: ac tandem depositâ veste versicolore, de tumulo procedet regalis potentia ac splendoris sine termino compos.

SED HIC TERMINUS ESTO.

Chem. 1040.

